




KITA HUTTWIL  
**Liederheft**



## Frühlig

Frühligstanz  
Fasnacht  
Hingerem Hus und vorem Hus  
Osterhas, weisch du was

## Summer

Roti Rösli  
Summer Adee  
Sunnestrahel tanz emau

## Herbst

Hui blast dr Herbstwind  
Jiz faue d Blettli wieder  
Marini Maruni Maroni  
Rägetröpfli  
Winterschlaf

## Winter

Äs schneielet, äs beielet  
Äs schneiet uf de Bäрге scho  
Chlöisli spann dis Eseli ah  
D Flöckli tanze  
Grittibänz  
Ih Ah ja-ja  
Latärne  
Schnee Juhee  
Vier Cherze  
Was isch das fürnes Liechtli  
Wyssi Flöckli  
Zimetstärn

## Tiere

Ameise  
Aui mini Änteli  
Delfin  
Dert äne am Bärgli  
Dino Dino  
Dinosaurier  
Dinotanz  
Drü chlini Fischli  
Elefant  
Eis Elefäntli  
Fabutier  
Fröschli  
Frosch im Teich  
Giraff  
Häsli i der Gruebe  
Hopp hopp hopp

3

3  
3  
3  
3

4

4  
4  
4

4

4  
4  
5  
5  
5

5

5  
5  
5  
6  
6  
6  
6  
6  
6  
6  
7  
7  
7  
7

8

8  
8  
8  
8  
8  
9  
9  
9  
9  
9  
9  
9  
10  
10  
10  
10  
10

Krokodil 10  
Qualle 10  
Rägebogefisch 11  
S' chrücht äs Schnäggli 11  
Schlangetanz 11  
Siebe chugurundi Söi 11  
Üsi zwöi Chätzli 11

## Berufe und Fahrzeuge 12

Äs Outo fahrt 22  
Bus 22  
Dr Malermeister 23  
Dr Töff vom Polizist 23  
Dschungubähndli 23  
Füürwehr 24  
Isebahn 24  
Schiffli fahre 24  
Schuehmächerli 24  
Tambour 24

## Sonstiges 14

7 Zwärgli 14  
A Ramsamsam 14  
Gross und schön isch d Sunne 14  
Heho mir si Pirate 14  
Hippigschpängstli 14  
Höch am Himmu 14  
Im Waud 15  
Kita Boogie 15  
Oh du goudigs Sünneli 15  
Ziebele setze 15  
Pirate läbe ufem Schiff 15  
Pirate schaffe aui 16  
Rägeboge 16  
Ringu Ringu Reihe 16  
Zili Zouberin 16



# Frühlig

## Frühligstanz

Dr Frühlig chunnt und macht ä Tanz, vouer Charme und Eleganz. D Pflanze tanze fröhlech mit, bim schönste Tanz wos git.

Prima säge d Primeli, d Dänkeli danke schön ischs gsi. D Maierisli lüte lislì, das darf nie verbi.

Dr Frühlig chunnt und macht ä Tanz, vouer Charme und Eleganz. D Pflanze tanze fröhlech mit, bim schönste Tanz wos git.

## Fasnacht

Oh oh oh hätti doch nomeh Konfetti und Papierspaghetti, denn würd ih di zuedecke und verschrecke. Fasnacht schminke und maskiere, trummle und marschiere, aui wüsse Fasnacht das macht Spass.

Seit e Indianer zum Pirat, du mach e chli süsch simer plötzlech z spät. D'Guggemusig blaset scho, si traffe ufne Eskimo. D'Glön und d'Chemifäger stöh parat.

Oh oh oh hätti doch nomeh Konfetti und Papierspaghetti, denn würd ih di zuedecke und verschrecke. Fasnacht schminke und maskiere, trummle und marschiere, aui wüsse Fasnacht das macht Spass.

Seit ä böse Löi zunere Chueh, du machsch mer bitte d Mähne hinge zue. Ds Müüsli fragt dr Elefant, bisch sicher hesch du ds richtig Gwand? Ä Tüfu bingt am Ängu sini Schueh.

Oh oh oh...

## Hingerem Hus und vorem Hus

Hingerem Hus und vorem Hus, mache-mer Ringutänzli. Ds Osterhäsli luegt üs zue, waggelet mitem Schwänzli.

Hingerem Hus und vorem Hus, sueche mer Moos und Steindli. Ds Osterhäsli gumpt dervo, schlänkeret sini Beindli.

Hingerem Hus und vorem Hus, boue mer chlini Näschtli. Ds Osterhäsli springt gschwind hei, hout sis Eierchästli.

Hingerem Hus vorem Hus, tüe mir lustig singe. Ds Osterhäsli tuet üs hüt, gfarbtì Eili bringe.

## Osterhas, weisch du was

Osterhaas weisch du was? Ih ha di gester gseh im Gras. Osterhaas weisch du was? Ih ha di gseh im Gras.

Du bisch ghüpft und ghüpft, du bisch ghüpft und ghüpft. Ungerne Hecke gschlüpft, ungerne Hecke gschlüpft.

Osterhaas weisch du was? Ih ha di gester gseh im Gras. Osterhaas weisch du was? Ih ha di gseh im Gras.

De bisch schnäu, über d'Strass. De bisch schnäu über d'Strass. Plötzlech hesch di bückt im Gras, plötzlech hesch di bückt im Gras.

Osterhaas...

Hesch d'Ohre gspitzt und abeglitzt, hesch d'Ohre gspitzt und abeglitzt. De bisch wie dr Blitz wittergflitzt, de bisch wie dr Blitz wittergflitzt.

Osterhaas...

# Summer

## Roti Rösli

Roti Rösli im Garte, roti Rösli im Waud.  
We der Wind chunnt cho blase, da  
verweucke si baud.

Mit de Chuehli, mite Geissli, gö mir iz  
ufd Weid. Mache Füürli, brätle Würstli  
isch das nid e Fröid.

## Summer Adee

Ih gloub dr Summer schlicht sich wägg.  
Ih gloub är isch am ga und weisch du äch  
wohi är geit? Ih gloub uf Afrika.

Summer adee, s isch schön di z gseh,  
Summer adee, danke tuusig mau und  
meh. Summer adee, wenn du geisch  
chunnt der Schnee, Summer adee,  
bis baud uf wiederseh.

D' Sandale und de Sunnehuet, die bruch  
ih gloubi nümme. Oh ds Badzüg cha i  
Schrank ga, dr See isch z chaut zum  
Schwümme.

Summer adee, s isch schön di z gseh,  
Summer adee, danke tuusig mau und  
meh. Summer adee, wenn du geisch  
chunnt der Schnee, Summer adee,  
bis baud uf wiederseh.

## Sunnestrahli tanz emau

Sunnestrahli, tanz emau. D Summermusig  
ghöri scho, überau Bärg u Tau, dr  
Summer isch am cho. (2x)

# Herbst

## Hui blast dr Herbstwind

Hui blast der Herbstwind, hui blast  
är fescht.  
Är wirblet mit de Blettli und tanzet mit  
de Äst.

Wo söu ou ds Rotbrüschtl hi, dr Wind  
isch gross und äs so chli.  
Flüg doch chli a schärme und tue di  
dert ufwärme.

## Jiz faue d Blettli wieder

Iz faue d Blettli wieder, dr Summer isch  
verbi u d Schwäubli flüge aui furt,  
mir wüsse nid wohi.

Ade du schöne Summer, du söttisch  
nonid ga. Wed über ds Jahr de wieder  
chunnsch, de si mir aui froh.

Und läär si aui Fäuder und d Blüemli  
schlafe gli. Und stiller wird's im ganze  
Land und einsam steit dr Waud.

Ade du schöne Summer, du söttisch  
nonid ga. Wed über ds Jahr de wieder  
chunnsch, de si mir aui froh.

Ke Schmättlerling meh tanzet, äs isch  
scho chaut u nass, u d Wulke het e  
Schleier an, vom Näbu dick und grau.

Ade du schöne Summer, du söttisch  
nonid ga. Wed über ds Jahr de wieder  
chunnsch, de si mir aui froh.

## Marini Maruni Maroni

Marini, Maruni, Maroni, die choufeni immer bim Toni. Är schnit ä Schlitz und denn chunnt d Hitz. Marini, Maruni, Maroni.

Marini, Maruni, Maroni. Sisi äch scho parat oder noni? Är tuet mer verzeue wies geit mitem schäle. Marini, Maruni, Maroni.

Marini, Maruni, Maroni. Iz hani mis Pack und iz gani, si si heiss ih weiss und nime glich eis. Marini, Maruni, Maroni, Marini, Maruni, Ma-mmmm.

## Rägetröpfli

Räge, Rägetröpfli, äs rägnet uf mis Chöpfli. Wes Rägnet wärde d Blüemli nass und aui Steindli uf der Gass, wes Rägnet wärde d Blüemli nass und aui Steindli uf der Gass.

## Winterschlaf

Ungrem grosse Herbstloubhuufe, ghört me d Muetter Igu schnuufe und si singt de Iguchind äs Lied wo aut isch wie dr Wind.

Bis brav und schlaf di Winterschlaf dr Herbst isch aut s' wird chaut. Schlaf ih und tröim du süess drbi und weck mi jah nid z'baud.

Warm isch ds Näscht im Tanneboum, Zyt ischs fürne länge Troum, dr Eichhornvater singt de Chind äs Lied wo aut isch wie dr Wind.

Bis brav und schlaf di Winterschlaf dr Herbst isch aut s' wird chaut. Schlaf ih und tröim du süess drbi und weck mi jah nid z'baud.

## Winter

### Äs schneielet, äs beielet

Äs schneielet, äs beielet, äs geit ä chüehle Wind. U d' Meitschi legge d Händsche ah und d' Buebe loufe gschwind.

Äs schneielet, äs beielet, äs geit ä chüehle Wind. U d' Buebe legge d Händsche ah und d' Meitschi loufe gschwind.

### Äs schneiet uf de Bärge scho

Äs schneiet uf de Bärge scho, Schnee chönntscho o da ab echo.

Deck doch üse Garte zue, ds Hus bis ganz as Chemi ue.

Dr Schlitte steit scho lang parat, ih weiss o wiene Schneemah geit und Schneebaue umeschesse, hei würd ih dä Schnee de gniesse.

### Chlöisli spann dis Eseli ah

Chlöisli spann dis Eseli ah, gäu du magsch dis Wägeli pha. Öpfu, Gützi, Bire und Nuss, gäu du füusch mis Stiefeli duss.

Und im Sack hets vieli vieli Sache, wärde hüt de Chind beschehrt. Het dr Chlous im Januar scho bachet, drum si d Anischräbeli so hert.

Chlöisli spann dis Eseli ah, gäu du magsch dis Wägeli pha. Öpfu, Gützi, Bire und Nuss, gäu du füusch mis Stiefeli duss.

## D Flöckli tanze

Flöckli tanze jupedihee, Böim und Wiese  
aues vouer Schnee. Jupedi jupedi jupedi-  
hee, Böim und Wiese aus vou Schnee.

Flöckli tanze jupedihei, wemer chaut hei  
gömer wieder hei. Jupedi jupedi jupedihei,  
wemer chaut hei gömer wieder hei.

Flöckli tanze jupedihu, zäme gömer use  
ig und du. Jupedi jupedi jupedihu, zäme  
gömer use ig und du.

## Grittibänz

Bi üs im Ofe liggt ä chline Mah, är het ä  
warmi Chappe ah. Die eint Hand winkt,  
die angeri isch am Gurt, är wachst und  
wachst und wott nid furt.

Wär isch das Männkli säg wär kennts,  
das isch dank dr Grittibänz, wär isch das  
Männkli säg wär kennts, ja das isch dank  
dr Grittibänz.

Und wener ändlech düre isch, legg ih ihn  
ufe Chuchitisch, striche Anke und viu  
Gonfi druf und isse grad dr ganz Ma huf.

Wär isch das Männkli säg wär kennts,  
das isch dank dr Grittibänz, wär isch das  
Männkli säg wär kennts, ja das isch dank  
dr Grittibänz.

## Ih Ah ja-ja

Was tripp tripp tripelet u trapp trapp  
trapelet, chönnt äch das ä Esu si?  
Ih-ah-jaja ih-ah, ih-ah-jaja ih-ah

Was ding ding dingelet u dong dong don-  
gelet, chönnt äch das dr Samichlous si?  
Ih-ah-jaja ih-ah, ih-ah-jaja ih-ah.

Was rasch rasch raschelet u rusch rusch  
ruschelet, het är äch si Sack derbi?  
Ih-ah-jaja ih-ah, ih-ah-jaja ih-ah.

Und wenn dir wieder göht u üs wieder  
verlöht, chani viellech mit öich cho?  
Ih-nei-ih-nei-ih-nei. Ih-blib du nur dahei,  
ih-blib du nume da. Ih-ah-jaja ih-ah.

## Latärne

Ih ga mit mire Latärne u mini Latärne  
mit mir.

Am Himmu lüchte d'Stärne, da unge  
lüchte mir.

Dr Güggü chräit und d'Chatz miaut,  
eh eh eh, la bimmel, la bammel, la bumm.


## Schnee Juhee

Wo ih hüt morgge ufsta u d'Fensterläde  
ufschla, bi ih vor Fröid fasch usegheit.  
Es het z'Nacht ganz fescht gschneit.

S'het Schnee juhee und s'git nomeh  
s'isch aues wiss voruss. Ih legge mi ah  
zum use ga und blib der ganz Tag duss.

D Wägli müesse zerscht frei si. Dr Schnee  
chunt uf nä Bärg. Dert grabi de ä Hütte  
dri, und spiele Winterzwärg.

S'het Schnee juhee und s'git nomeh  
s'isch aues wiss voruss. Ih legge mi ah  
zum use ga und blib der ganz Tag duss.  
Und blib der ganz Tag duss.



## Vier Cherze

S'isch erst Advänt die ersti Cherze brönnt,  
so häu und doch so chli.  
I dere dunkle Winterzyt schänksch du di  
häui Schiin.

S'isch zwöit Advänt die zwöiti Cherze  
brönnt und lüchtet vouer Charm.  
I dere chaute Winterzyt gisch du üs  
e chli warm.

S'isch dritt Advänt die dritti Cherze  
brönnt mit ihrem warme Schin.  
Si blinzlet und si chüschelet, du,  
Wiehnacht isch scho gli.

S'isch viert Advänt, die vierti Cherze  
brönnt, wieso brönnsch du äch hüt?  
Wiehnachte isch scho gli, das säg ih  
aune Lüt.

## Was isch das fürnes Liechtli

Was isch das fürnes Liechtli, was isch  
das fürne Schiin? Dr Chlous mit sir  
Latärne, louft grad dr Waud z'düri.

Si Esu dä het glade, är rüeft Ih-ah-ih-ah.  
Hüt darf är mit sim Meister, ä mau is  
Stedtli ga.

Im Sack da hets viu Nüssli, Tirgu und  
Zimetstärn. Das tragi für mi Meister und  
d'Chinder no so gärn.

## Wyssi Flöckli

Wyssi Flöckli tanze am Fänschter,  
Winter hüt bisch du ändlech cho.  
Ha scho gmeint du heigsch üs vegässe,  
dases di no git macht mi so froh. (2x)

## Zimetstärn

Äs schmöckt zwar immer guet, we öper  
bache tuet. Aber der feinsti Duft, isch  
Wiehnachtsgüezi-Luft.  
Veruss isch aues Wiss, dr Näbu macht  
aus wie iis, doch us der Chuchi schmöckts  
iz grad wie usem Paradies.

Zimetstärn, hani gärn. Mailänderli ou,  
Tirgu und Spitzbuebe und Ring us Willisou.  
Läckerli, liebeni, Chräbeli nomoh.  
Totebeindli, Pfäffernüss mit Puderzucker-  
schnee.

Was mir am beste gfaut, we öper Teig  
uswaut. Schlich i uf Zäiespitze und  
probiere chli z'stibize.

Zimetstärn, hani gärn. Mailänderli ou,  
Tirgu und Spitzbuebe und Ring us Willisou.  
Läckerli, liebeni, Chräbeli nomoh.  
Totebeindli, Pfäffernüss mit Puderzucker-  
schnee.



# Tiere

## Ameise

Dört i däm hohle aute Baum,  
wohne ganz viu Ameisi.  
i läbe aui zäme, wöu si ned wei allei si.

Mängisch uf der Ameisistross,  
mache si grad es Tänzli.  
Si strecke d Fühler zäme,  
dass usxset wines Chränzli.

Wenns ne im Baumstamm nöimme gfaut,  
zieh si grad uf der Stöu us, und sueche  
nöime anders eifach es bessers Huus.

## Aui mini Änteli

Aui mini Änteli, schwümme ufem See,  
schwümme ufem See. Ds Chöppli heis ids  
Wasser, ds Schwänzli heis id höh.

Gö si ga spaziere, ohni Strümpf und  
Schueh, ohni Strümpf und Schueh, über  
die grüeni Wiese, schnäderets immer zue.

Quack (32x)

## Delfin

Delfin, Delfin, chum du chline Delfin,  
chum mir schwümme zäme über ds Meer.  
Gangle, lache, im Wasser Musig mache,  
chum mir schwümme zäme über ds Meer.

De tüemer nöime, äs bitzli tröime und  
mache chlini chlini pläterli. De tüemer  
nöime, äs bitzli tröime und mache chlini  
pläterli u ds Wasser gluntschet liseli.

Delfin, Delfin, chum du chline Delfin,  
chum mir schwümme zäme über ds Meer.

## Dert äne am Bärgli

Dert äne am Bärgli dert steit ä wissi Geiss.  
Ih ha se wöue mäuche, da hout si mir eis.  
Holeduli duli duli, holeduli duli duli duli,  
holeduli duli duli, holeduli duli duli du.

Si het mer eis ghoue das tuet mir so weh.  
Iz mäuchi miner läbdig ke wissi Geiss meh.  
Holeduli duli duli, holeduli duli duli duli,  
holeduli duli duli, holeduli duli duli du.

Iz gahni ids Stedtli u choufe mir ä Geiss.  
Das mau ä bruni, die hout mir de keis.  
Holeduli duli duli, holeduli duli duli duli,  
holeduli duli duli, holeduli duli duli du.

Vo Huttu uf Bärn, da hets äs Tunnäu,  
wem ine chunnt wird's dunku, weme use  
chunnt wird's häu.  
Tschipfu tschipfu, tschipfu tschipfu,  
tschipfu tschipfu tschipfu tschipfu tschip-  
fu, tschipfu tschipfu tschipfu tschipfu,  
tschipfu tschipfu tschipfu tschipfu haut.

## Dino Dino

Ghöred dir das Trample, ghöred dir dä  
Lärm? Äs chunnt immer necher, äs isch  
nümme färn.

Und uf einisch steit är gross u starch vor  
mir. Nei i chas nid gloube, was isch das  
vor mir?

Äs isch e Dino, ä Dino Dino, äs isch ä  
Dinosaurier. Äs isch e Dino, ä Dino Dino,  
äs isch ä Dinosaurier.

Aber d Ouge blintzle mi ganz fründlech  
ah. Und bim Lache zeigt är, si riese Zahn.  
Uf und abe schlaht är, si Schuppeschwanz  
und am Ändi trät är sich im Dinotanz.

Äs isch e Dino, ä Dino Dino, äs isch ä  
Dinosaurier. Äs isch e Dino, ä Dino Dino,  
äs isch ä Dinosaurier.

## Dinosaurier

10 Meter höch und 10 Meter läng,  
ä länge Haus und riese Zähn.  
So tramplet är, gmüetlech drhär,  
är isch haut schampar schwär.

Dr Dino, dr Dino, dr Dinosaurier huhu,  
huhu. (2x)

## Dinotanz

Äs chunnt dr Dinosaurier drhär, är isch  
mindistens 300 Kilo schwär, är het riesegi  
Tatze mit Chraue drann und är schüpft  
aues wägg, dass er tanze cha.

Wägg, wägg, wägg, wägg, wägg, wägg.

Und är tanzt dr Dinosauriertanz und är  
waggelet mit sim Dinoschwanz, einisch  
hin einisch här, einisch grad u einisch  
chrumm, plums, scho gheit är um. Bumm.

## Drü chlini Fischli

3 chlini Fischli schwümme ids Meer, ds  
Mami seit ih chume nid mit. Ih blibe lieber  
da im chline, grüne Teich, wöu im Meer  
da hets ä Haifisch und dä macht de grad,  
schnapp, schnapp, schnabedi wauwau,  
schnapp, schnapp, schnapp, schnapp,  
schnabei wauwau.

2 chlini Fischli...

1 chlises Fischli schwümmt ids Meer, ds  
Mami seit ih chume nid mit. Ih blibe lieber  
da im chline, grüne Teich, wöu im Meer  
da hets ä Haifisch und dä macht de grad,  
schnapp, schnapp, schnabedi wauwau,  
schnapp, schnapp, schnapp, schnapp,  
schnabei wauwau, schnapp, schnabedi  
schnapp.

## Elefant

Wär steit der uf de dicke Bei, ih sim graue  
Gwand? Wär schwänkt der Rüssu hin und  
här?  
Äs isch der Elefant.

Elefant, i sim graue Gwand, Elefant i sim  
graue Gwand.

Är fächret mit de Ohre, sini Hut isch dick  
und ruch, är het zwöi chlini Ouge und  
derfür ä grosse Buch.

Elefant, i sim graue Gwand, Elefant, i sim  
graue Gwand, Elefant, i sim graue Gwand.

Är suuft e huufe Wasser und är frisst e  
huufe Höi und we är lut trumpetet de  
verschrickt sogar der Löi.

Elefant, sim graue Gwand, Elefant i sim  
graue Gwand.

## Eis Elefäntli

Eis Elefäntli tanzet eso, amene Siidefädeli  
nache, äs findet das so lustig und nätt,  
dases no gärn äs Gspändli hätt.

Zwöi Elefäntli tanze eso...

## Fabutier

Äs Krokodiu, ä Orang-Utan, zwöi chlini wis-  
si Schlängli, ä riese grosse Adler, ä Chatz,  
ä Mus, ä Elefant, ds einzig wome nid cha  
gseh isch ds Fabutier.

Hei schwab, schwabidubi, bidubidua,  
schwab, schwabedubi, bidubidua, hei  
schwab, schwabidubi, bidubidua. Ds einzig  
wome nid cha gseh isch ds Fabutier.

## Fröschli

Quack quack, ih bi äs chlieses Fröschli.  
Quack quack, ih ha der Räge gärn.  
Quack quack, ih wone imne Tümpu.  
Quack plumps, jiz gumpi grad i Sumpf.

## Frosch im Teich

Mh-nh macht ä chline Frosch im Teich.  
Mh-nh macht ä chline Frosch im Teich.  
Mh-nh macht ä chline Frosch im Teich,  
anstatt quack quack quack quack quack.

Und d Fisch di mache schwubidubidu,  
schwubidubidu, schwubidubidu. Und d  
Fisch di mache schwubidubidu und dr  
Frosch macht mh-nh mh-nh mh-nh.

## Giraff

Dr Giraff het dr auerlängsti Haus vo aune  
Tier, är frisst die schönste Bletter ab de  
Böim i sim Revier und luegsch ihm de vo  
unge zue, de wachst si Haus grad bis a  
Himmu ue.

Ä Giraff wär no schöner aus e Teddybär,  
wöu si Haus ä wunderbari Rutschbahn wär  
u z oberst uf sim Chopf was wotsch no  
meh, chasch über aui Länder gseh.

Ä Haus so wiene Giraff das wär wunderbar,  
wöu de hätti amne Glace fasch es ganzes  
Jahr u weni de ämau so richtig Hausweh  
hät, hät ih äs z'churzes Bett.

## Häsli i der Gruebe

Häsli i der Gruebe, sitzt und schlaft. Sitzt  
und schlaft.  
Oh arms Häsli, bisch du chrank, dass du  
nümme hüpfen chasch.

Häsli hüpf, häsli hüpf

## Hopp hopp hopp

Hopp hopp hopp, Rössli louf galopp.  
Über Stock und über Stei, aber brich  
dir jah kes Bei.  
Rössli louf galopp, hopp hopp hopp  
hopp hopp

## Krokodil

Ganz fuu und ohni Zwäck und Ziu,  
liggt ufem Buch s'gross Krokodil.  
Nur hie und da i einer Rueh,  
machts d'Schnöre uf und wieder zue,  
machts d'Schnöre uf und zue.

Am länge, breite, grüne Nil, tröimt ufem  
Buch s'gross Krokodil.

Nur hie und da i einer Rueh,  
machts d'Schnöre uf und wieder zue,  
machts d'Schnöre uf und zue.  
Und wemmers ou verschrecke will, es  
macht kei Mucks und blibt ganz still.

Nur hie und da i einer Rueh,  
machts d'Schnöre uf und weder zue,  
machts d'Schnöre uf und zue.

## Qualle

Schwubidi und schwubida, d Qualle  
plantscht am Ufer nah. Mit ihrne länge  
schlabberarme wott si di jiz grad umarme.

Schwubidi und schwubida, si chüderlet  
und chöderlet chum necher Chindli, bis  
äs nätts und schwümm mit mir doch  
no ä blätz.

Schwubidi und schwubida, d Qualle  
plantscht am Ufer nah. Mit ihrne länge  
schlabberarme, wott si di jiz grad umarme.

Schwubidi und schwubi da, si chüderlet  
und chöderlet, chum necher Chindli, bis  
äs nätts, nei schnäu schwümm wägg vor  
Quallehäx.

## Rägebogefisch

Räge, Räge, Rägebogefisch, är schwümmt  
düre Ozean und isch e schöne Fisch.

Är het schöni Glitzerschuppe, die andere  
wie ou eini, doch är seit nei i gibe keini,  
drum blibt är ou alleini.

Räge, Räge, Rägebogefisch, är schwümmt  
düre Ozean und isch e schöne Fisch.

Är isch einsam und allei, är het keni Frün-  
de, drum schwümmt är zum Tintefisch,  
dä seit ihm du muesch teile.

Räge, Räge, Rägebogefisch, är schwümmt  
düre Ozean und isch e schöne Fisch.

## S'chrücht äs Schnäggli

S'chrücht äs Schnäggli, s'chrücht  
äs Schnäggli

Ds Bärgli uf, ds Bärgli uf.

Äne wieder abe, äne wieder abe.

Ufem Buch, ufem Buch.

Liebs Schnäggli, liebs Schnäggli  
Seisch du nüt? Seisch du nüt?

Gäu du chasch nid rede, gäu du chasch  
nid rede.

Drum seisch nüt, drum seisch nüt.

## Schlangetanz

Das isch der Schlange ihre Tanz,  
si chunnt vom Bärgli abe.

Si het verlore ihre Schwanz und möcht  
ne wieder ha.

Drum säg du mir, bisch du nid ou,  
äs chlises Stückli vo mim Schwanz? Hei.

Das isch der Schlange ihre Tanz,  
si chunnt vom Bärgli abe.

Si het jiz gfunge ihre Schwanz und isch  
iz wieder ganz.

## Siebe chugurundi Söi

7 chugurundi Söi, ligge näbenang im Höi.  
Aui tüe grunze, \*grunz, grunz, grunz\* aui  
tüe schmatze \*schmatz, schmatz,  
schmatz\* und ä nang am Rügge chratze.

Mtzä, mtzä, mtzä, mm (2x). Aui tüe grunze  
\*grunz, grunz, grunz\* aui tüe schmatze  
\*schmatz, schmatz, schmatz\* und ä nang  
am Rügge chratze.

Uf z'mau chunnt ä gäube Löi, zu de 7 Söi  
ids Höi. D Söili frage, wotsch du üs ässe  
oder hesch scho z'Mittag gässe? Mtzä,  
mtzä, mtzä, mm (2x). D Söili frage, wosch  
du üs ässe oder hesch scho z'Mittag gässe.

Da faht der Löi ah lache \*ha ha ha ha ha\*,  
ih bi doch ke Söilidrahe. Ih wott nume da  
bi öich, ä chli löie i däm Höi. Mtzä, mtzä,  
mtzä, mm (2x) Ih wott nume da bi öich, ä  
chli löie i däm Höi.

## Üsi zwöi Chätzli

Ja üsi zwöi Chätzli si tuusegi Frätzli, hei  
schneewissi Tätzli mit Chräueli dran.

Hei spitzegi Öhrli und siidegi Hörli und  
s'geit e kes Jöhrli da föh si scho ah.

Si schliche um ds Hüsli und packe die  
Müsli und plage se grüsli, meh gseht  
nes nid ah.



# Berufe und Fahrzeuge

## Äs Outo fahrt

Äs Outo fahrt tut tut, äs Outo fahrt tut  
tut, äs Outo fahrt,  
äs Outo fahrt, äs Outo fahrt tut tut.

Zersch langsam wiene Schnägg,  
denn wie der Blitz fahrts wägg.  
Äs Outo fahrt, äs Outo fahrt,  
äs Outo fahrt tut tut.

## Bus

D Redli vom Bus träie rundherum,  
rundherum, rundherum, d Redli vom Bus  
träie rundherum, stundelang.

D Türe vom Bus di gö uf und zue, uf und  
zue, uf und zu. D Türe vom Bus di gö uf  
und zue, stundelang.

Ds Hupi vom Bus macht tut tut tut, tut tut  
tut, tut tut tut. Ds Hupi vom Bus macht  
tut tut tut, stundelang.

D Chinder im Bus springe hin und här,  
hin und här, hin und här. D Chinder im  
Bus springe hin und här, stundelang.

Dr Buschauffeur seit, das darf me nid,  
darf me nid, darf me nid. Dr Buschauffeur  
seit, das darf me nid, stundelang.

Ds Baby im Bus macht wäh wäh wäh, wäh  
wäh wäh, wäh wäh wäh. Ds Baby im Bus  
macht wäh, wäh, wäh, stundelang.

D Lüt im Bus mache psht psht psht, psht  
psht psht, psht psht psht. D Lüt im Bus  
mache psht, psht, psht, stundelang.

## Dr Malermeister

Ih bi dr Malermeister und sueche mir  
e Gseu, s' muess eine si,  
wo d Farbe kennt de nimi ne uf der Steu.  
S' muess eine si, wo d Farbe kennt,  
de nimi ne uf der Steu.

## Dr Töff vom Polizist

Dr Töff vom Polizist, dä het äs Loch  
im Pneu.  
Dr Töff vom Polizist, dä het äs Loch  
im Pneu.  
Dr Töff vom Polizist, dä het äs Loch  
im Pneu  
und mir flickes mitemne Chätschgummi.

Alfa Romeo, Fiat, Lancia. Alfa Romeo, Fiat,  
Lancia. Alfa Romeo, Fiat, Lanica  
und mir flickes mitemne Chätschgummi.

## Dschungubähndli

Mir fahre dürnes Täli, mir fahre dürnes Täli,  
mitem chline Dschungubähndli (2x)

Oh (Name Chind), oh (Name Chind)  
Wie isch s' Läbe doch so schön.  
Oh (Name Chind), oh (Name Chind)  
Wie isch s' Läbe schön.

Häb di fescht am Bänkli, häb di fescht am  
Bänkli, ds Dschungubähndli macht äs  
ränkli (2x)

Oh (Name Chind), oh (Name Chind)  
Wie isch s' Läbe doch so schön.  
Oh (Name Chind), oh (Name Chind)  
Wie isch s' Läbe schön.

Hou mir schnäu ä Zange, hou mir schnäu  
ä Zange, ds Dschungubähndli het ä Panne  
(2x)

Oh (Name Chind), oh (Name Chind)  
Wie isch s' Läbe doch so schön.  
Oh (Name Chind), oh (Name Chind)  
Wie isch s' Läbe schön.

## Füürwehr

Mir si vo der Füürwehr, Tag und Nacht bereit.

Chöme schnäu wie d Füürwehr, wennis um s' Lösche geit.

Mir si vo der Füürwehr, s' isch ä aute Bruch.

Immer weme Lösche sött, steit eine ufem Schluch.

Düda, düda, düda, düda, düda.

## Isebahn

Tschu, tschu, tschu, ä Isebahn chunnt, Chinder göht ufd Site.

Wär im Sack äs Billiet het, dä darf mit cho Ritte.

Tschipfu, tschipfu haut, tschipfu, tschipfu haut.

## Schiffli fahre

Schiffli fahre ufem See, chani schöni Sache gseh.

Chunnt dr Wind und chunnt dr Sturm, blast das chline Schiffli um.

## Schuehmächerli

Schuehmächerli, Schuehmächerli, was choste mini Schueh?

Drü Bätzeli, drü Bätzeli und d Negeli derzue.

Drü Bätzeli, drü Bätzeli, das isch mir aber z' tür.

Da loufi lieber Barfuess, dür ds Wasser und dürds Füür.

## Tambour

Ih bi der Tambour Rumpumpum und ga im Kreisli z'ringsetum.

U weni einisch ume bi, de darf äs anders Chind dr Tambour si, rumpumpum.



## Sonstiges

### 7 Zwärgli

Dert uf säbem Bärgli, zwick zwick zwack,  
nähe 7 Zwärgli, zwick zwick zwack.

Dert uf säbem Bärgli, niam niam niam,  
ässe 7 Zwärgli, niam niam niam.

Dert uf säbem Bärgli, glugg glugg glugg,  
trinke 7 Zwärgli, glugg glugg glugg.

Dert uf säbem Bärgli, psht psht psht,  
schlafe 7 Zwärgli, psht psht psht.

### A Ramsamsam

A ram sam sam,  
a ram sam sam,

gulli, gulli, gulli, gulli ram sam sam.  
Arabi, arabi,  
oh gulli, gulli, gulli, gulli, ram sam sam.

### Gross und schön isch d Sunne

Gross u schön isch d'Sunne,  
warm isch ihres Liecht und i weiss nid  
was ih ohni Sunne miech.

S' chunnt ä dicki Wolche wo se grad  
verdeckt,  
doch scho seit si da bi ih, ih ha mi nume  
versteckt.

### Heho mir si Pirate

Heho, heho, mir si Pirate  
Heho, heho, rot wie Tomate, isch üses  
Bluet,  
drum heimer Muet.  
Chömet doch ou, zu üs uf ds Schiff,  
mir heis im Griff, mir heis im Griff.

Heho, heho, mir si Pirate.  
Heho, heho, sägle nach der Charte, sue-  
che ä Schatz,  
amne gheime Platz.  
Säg üs doch wo, ischer versteckt, mir heis  
entdeckt.

Heho, heho, mir si Pirate.  
Heho, heho, ine Sturm grate, schoukle uf  
und ab,  
oh isch das knapp.  
Am Feus verbi, fasch wärs das gsi,  
mit üser Reis, mit üser Reis.

### Hippigschpängstli

S' isch z'Nacht am zwöufi, dr Wind wähit  
düre Schlossgang.  
S' isch Geischerstund bim letschte  
Gloggeschlag.  
Äs chlises Gschöpfli imne wysse Umhang,  
zybet muetig ds Stägegländer ab.

Ir erschte Kurve wird's scho langsam  
kritisch.  
Ir zwöite hetses gruusig usegspickt.  
Äs schimpft und dänkt, ja das isch  
wieder typisch,  
dr Butler, dä Löu het ds Gländer no  
geng nid gflickt.

Wär kennt scho d Not vom chline  
Hippigschpängstli,  
äs schilet und het Blüemli ufem Chleid.  
Wär kennt scho sini Sörgeli und Ängstli,  
däm Gschpängstli wo geng aues abver-  
heit.

### Höch am Himmu

Höch am Himmu,  
töif uf der Ärde,  
überau wo d Sunne schint.

Weni nid d (Name Chind wär),  
so möchti gärn ä (Wunschtier si).

## Im Waud

Im Waud, im schöne grüne Waud,  
ha ih äs Plätzli wo mer gfaut. Ih ligge dert  
im weiche Moos und luege stune bloss.

Ih lose wie der Vogu singt und ou wie  
ds Bächli lustig springt  
und Chäferli und Müggeli die sümmele  
verbi.

Die Spinne mit de länge Bei, si chräsme  
über Moos und Stei.  
U d' Schnäggli chrücht de Piuзли na s'wett  
öpis z'ässe ha.

Doch öpis gfaut mer bsunders guet,  
wes i de Tanne ruusche tuet u ds Eich-  
hörndli bim Stiu ufesticht,  
sis Näsli fürestreckt.

## Kita Boogie

Ih strecke «Körperteil» ih Kreis und wieder  
drus.  
Dri, drus, dri, drus u schüttles grad us.

Das isch dr Kita Boogie, schubidu ah,  
abe ufe cha-cha-cha.

## Oh du goudigs Sünneli

Oh du goudigs Sünneli,  
tue doch wieder schiine, bitte blib der  
ganz Tag da,  
das mir chöi veruse ga. Oh du goudigs  
Sünneli,  
tue doch wieder schiine.

Rägetröpfli müesse si, aber gäu du  
chunnsch de gli.  
Oh du goudigs Sünneli, tue doch wieder  
schiine.

Räge gang uf Afrika, rägne über d Sahara.  
Oh du goudigs Sünneli, tue doch wieder  
schiine.

## Ziebele setze

Ziebele setze, Ziebele setze,  
Ziebele wei nid wachse.

Und weni mau i Garte ga,  
so ziehni eini us.

## Pirate läbe ufem Schiff

Mir Pirate läbe ufem Schiff,  
ds Läbe ufem Meer,  
hei mir vou im Griff.

Du hesch Angst, so söus oh si.  
Ja nid jede Mönsch, cha ä Pirat si.

Pirate si so starch, ahoi.  
Hu ha hip hop Ahoi.

Ässe tüe mir fasch jede Fisch,  
plündere praktisch jedes Schiff.  
Di meiste vo üs schlafe ufem Deck,  
beobachte d Sterne fräch und keck.

Du hesch Angst, so söus oh si.  
Ja nid jede Mönsch, cha ä Pirat si.

Pirate si so starch, ahoi.  
Hu ha hip hop Ahoi.

Land in Sicht schreit eine us,  
d Insle die heisst Schmuckatut  
Mir ankere jiz und gö a Land.  
Mir ässe und trinke im warme Sand.

Mir Pirate läbe ufem Schiff,  
ds Läbe ufem Schiff,  
hei mir vou im Griff.

Du hesch Angst, so söus oh si.  
Ja nid jede Mönsch, cha ä Pirat si.

Pirate si so starch, ahoi.  
Hu ha hip hop Ahoi.

## Pirate schaffe aui

Mir si Pirate und schaffe aui,  
mir si Pirate und schaffe aui,  
mir si Pirate und schaffe aui,  
vom Morge bis am Abe.

Lüpfe, stosse, zieh und  
lüpfe, stosse, zieh und  
lüpfe, stosse, zieh, vom Morge  
bis am Abe.

## Rägeboge

Mini Farb u dini, das git zäme zwöi.  
Wäres 3, 4, 5, 6, 7, wo gärn wette zäme  
blibe,  
gits ä Rägeboge, wo sech laht la gseh.

Lachsch ab däm wone Brüue het,  
meinsch nid ou daser keini wett, sis  
si Farb, s isch si Farb, s isch si Farb,  
mini Farb u dini, das git zäme zwöi,  
wäres 3, 4, 5, 6, 7, wo gärn wette zäme  
blibe,  
gits ä Rägeboge, wo sech laht la gseh.  
Gits ä Rägeboge, wo sech laht la gseh.

## Ringu Ringu Reihe

Ringu Ringu Reihe,  
d'Meitli gö id Meie,  
d'Buebe gö id Hasunuss  
und aui mache husch husch husch.

Ringu Ringu Reihe,  
d'Chinder gö id Meie,  
si tanze ume Holderstock  
und mache aui Bodehock.

Ringu Ringu Reihe,  
Zucker tuet me stosse,  
d'Chüechli tuet me bache,  
a Bode abe sitze und lache.

## Zili Zouberin

Im Waud da steit es grosses Huus,  
äs luegt ä Frou zum Fänschter us,  
si treit es Buech so dick und schwär u  
murmlet Zoubersprüch derhär.

Zili Zili Zouberin, si het nur ds Zoubere  
im Sinn,  
si zouberet dr ganzi Tag, mitem länge  
Zouberstab.

Abra Kadabra Simalabim aui Ching  
sie «Wunschtier».  
Abra Kadabra Simalabim aui «Wunsch-  
tier si wieder Ching».



# KIBE



**Region Huttwil**

KIBE Region Huttwil  
Spitalstrasse 53  
4950 Huttwil

Telefon 062 530 07 77  
[kontakt@kiberegionhuttwil.ch](mailto:kontakt@kiberegionhuttwil.ch)  
[www.kiberegionhuttwil.ch](http://www.kiberegionhuttwil.ch)



Scannen Sie mich  
und Sie sind direkt  
auf unserer Website.